

DOSA DALAM GEREJA






“Kati kita enda nemu,
tubuh kita nya Rumah
Sembiang Roh Kudus ti
diau dalam kita, ti udah
diterima kita ari Allah
Taala? Kita ukai enggi
kita empu, kita udah
dibeli ngena rega ti mar.
Nya alai, bebasaka Allah
Taala ngena tubuh kita”
(1 Korint 6:19, 20)

Paul ngena genteran lima ngagai tujuh dalam 1 Korint tebal agi nguji ngelengis ka dosa ti udah beurat dalam gerija negeri Korint: ulah bambai ti kamah.

Dosa ti nyemetak tu ditambahka enggau utai bukai baka ngerja penyai enggau pengawa nipu ti dikereja antara bala menyadi diri empu, ti dibai ngagai kot sivil.

Ngena jaku ti beterus terang, Paul ukai semina nunjukka dosa, tang mega merambu chara mutarka dosa, lalu nagang diri ari ngereja dosa nya baru.



Dosa dalam gereja

Dosa ti enda ditagang

Ngemunas ka dosa

Mutar ka penangul dalam gereja

Bakani mutar ka dosa dalam Gereja

Rumah Sembiang Roh Kudus

Pengawa sex ti sah



DOSA DALAM GEREJA

DOSA TI ENDA DITAGANG

"Lalu kita sumbung, kita patut ngulit lalu muai orang ke udah ngereja utai nya ari kaban kita?" (1 Korint 5:2 Bup Kudus)

Orang bisi udah madah, sekeda bala kita bisi udah ngaga ulah ti kamah. Indah orang kapir deh enda ngaga ulah ti kamah baka nya.(1 Kor. 5:1 NIV).

Pengawa beleman enggau indai tiri nya pekara ti besai bendar dalam Gerija. Tang penyalah tu nyadi teruk agi, laban, ari ke ringat ka pengawa tu, bala kaban di Gerija, temegah ati nerima dosa tu (1 Kor. 5:2 NIV).



Bala raban dalam Gerija nya tebal agi orang bansa bukai. Pengasai ati sida empu madah ngagai sida, pengawa beleman ke salah enda patut diterima. Tambah mega, penemu sida pasal Bup Kudus ngeringka penemu tu (Lew. 18:8).

Enti sida terang madahka kaul tu bedosa... nama kebuah sida temegah ati ka nya (1 Kor. 5:6)? Kati sida ke sebilik enggau orang nya bisi pengaruh ba gerija? Kati sida temegah ati nyadi gerija ti bebatak asur enggau orang bedosa? ...?


NGEMUNAS KA DOSA

“Allah Taala deka ngakim orang ke di luar, lalu muru orang ke jai ari bala kita.” (1 Korint 5:13)


Kes butang enggau diri sebilik nya endang udah “ditemu mensia mayuh” (1 Kor. 5:1 NIV), nya alai atur ti jampat patut dikerja dikena nyeliahka pengerusak nama gerija. Nama atur ke patut dikerja?



Ngaga pemutus kena nentu sekali ka orang nya salah tau ka enda (1 Kor. 5:3)



Anang begulai enggau orang ti bedosa nya, tauka makai enggau iya, enti iya enda bebendar deka ninggalka dosa iya anang nganggap iya nyadi kaban gerija.(1 Kor. 5:11)



Buru orang ti bedosa nya lalu serahka iya “ngagai Sitan,” laban, enggau pengelantang iya ngereja dosa tu, iya udah milih deka ngengkahka diri empu di baruh pegai Sitan (1 Kor. 5:2b, 5a, 13b) .



Disiplin gerija (enda ngira pemerat dosa nya) mesti bisi tuju dikena nebus belama. Penyalah orang nya patut dipadahka enggau terang ngambika sida ulih ngelala penyalah nya, nesal ati, lalu “diselamatkan lebuah Hari Tuhan Jesus” (1 Korint 5:5).



MUTARKA PENANGGUL DALAM GERIJA.

"Enti kita bisi laya enggau pangan diri, kati kita berani mai pekara nya di mua orang ke enda nangika Allah Taala ngambika diakim, ukai di mua nemiak TUHAN?" (1 Korint 6:1 Bup Kudus)



Udah Paul nerangka chara mutarka dosa dalam gerija, Paul ngerara sida laban enda nitihka iring ti betul lalu ngelempaika laya antara orang ti arap ngagai kot luar Gerija (1 Korint 6:1-6). Tang Paul mansang jauh agi lalu nyerang pun penanggul nya.

➔ Utai ti keterubah, penyarut antara kaban gerija patut nadai bisi nyadi (1 Kor. 6:7a) lalu, bakanya mega, kaban gerija enda tau ngereja penyalah tauka nipu kaban bukai (1 Kor. 6:8).

➔ Kedua, bala diri menyadi mesti sanggup ngampun penyalah nya (1 Kor. 6:7b).

➔ Ketiga, enti nadai udah bebaik lalu besetuju antara kaban, gerija mesti ngakim tauka nyadi orang tengah antara sida (1 Kor. 6:2).

Enti ukai pekara jenayah (Rom. 13:1-5), penanggul dalam gerija patut diputarka dalam Gerija empu.



“Nya tanggung pengawa kitai ngambika nemu pengelemi enggau dosa kitai, ti ngasuh pemetang enggau pengelemi roh kitai, ngemuntan ka pengarap kitai ti keterubah. Kati nya pengerindu Dunya? Kati nya ngira diri empu aja? Kati nya pengerindu ka diri empu? Kati nya berebut deka nyadi orang ke dulu? Kati nya dosa ke dikingin tubuh setiap masa? Kati nya dosa orang Christain terubah kelia ke limpang ari pesan Allah Taala sereta ngereja ulah bambai ti kamah? Kati nya salah nguna berkat, peluang enggau penampak, temegah ati ke penemu-dalam enggau penemu pengarap, tang meruan niti pengidup enggau ulah ti enda tentu sereta enda beradat.

Enda ngira nama utainya, ke udah di tupi sereta ditanam nyentukka iya udah nyadi kering sereta bekuasa, kereja meh pengawa enggau bebendar kena ngalahka iya, enggaika nuan terus lenyau.”

**BAKANI
MUTAR KA
DOSA DALAM
GEREJA**



RUMAH SEMBIANG ROH KUDUS .

"Kati kita enda nemu, tubuh kita nya Rumah Sembiang Roh Kudus ti diau dalam kita, ti udah diterima kita ari Allah Taala? Kita ukai enggi kita empu" (1 Korint 6:19)

Udah iya ke bejaku tentang hal penyarut ke di bai ngagai kot, Paul pulai baru ngagai batang randau: ulah seks ti kamah dalam gerija. Nama kebuah iya bisai?



Orang Kristian dikangau ngagai pengudus (1 Kor. 6:11), lalu patut enda ngembuan semua dosa. Tang sekeda ngumbai, laban dosa sida udah diampun, sida ulih ngereja sebarang utai ti dikedekaka sida ngena tubuh diri. Nya kebuah Paul nerangka "tubuh ukai dikena ngereja ulah ti kamah" (1 Kor. 6:12-13).

Utai ke dikelikoh iya: tubuh kitai tu raban Kristus. Kitai enda ulih ngambi raban Kristus lalu nyerakupka iya enggau indu sundal tauka indu butang (1 Kor. 6:15-18).

Kepenudi iya, iya mai kitai belematika siti pekara ti beguna bendar: tubuh kitai nya Rumah Sembiang Roh Kudus lalu, ketegal nya, ukai reta kitai, tang enggi Allah Taala (1 Kor. 6:19). Allah Taala udah meli kitai ngena darah Anak Iya ti berega, nya alai kitai patut ngemuliaka Allah Taala dalam tubuh enggau roh kitai (1 Kor. 6:20).



PENGAWA SEX TI SAH

"Tang laban ulah seks ti kamah nyau majak ngelekai, genap iku lelaki patut bisi bini ke diri empu, lalu genap iku indu patut bisi laki ke diri empu." (1 Korint 7:2 Bup Kudus)



Ngena saut ka sekeda tanya ti udah dibantaika eklisia di Korint, Paul nulung kitai meretika baka ni kitai ulih rari ari ulah ti kamah (1 Kor. 7:1).

Penemu singkat: orang ke udah bebini patut ngasaika pengawa sek ti sah semina enggau bini sida aja; orang ke bujang dara enda patut beleman enggau sapa-sapa.

Diri melaki bini enda patut enggai beleman enggau pangan diri, ngambika enda ngasoh sida iya ingin ka orang bukai ti ngujung ka pengawa butang deka nyadi (1 Kor. 7:3-5).

Orang ke enda bebini, enda belaki ke bisi pemeri nagang penginein tubuh tau ngena peluang nya gawa ke Allah Taala enggau nadai sekat datai ari diri sebilik (1 Kor. 7:6-8, 32-34).

Orang ke bujang enggau dara ti nadai pemeri ulih nagang penginein diri patut bebini tauka belaki ngambika ulih nyeliahka diri ari penguji (1 Kor. 7:9).



“Dalam pengawa ke orang ti salah, awakka semua mata dituju ngagai Kristus. [...] Awakka sida bejaku ngagai orang ti salah pasal pengasih enggau pengampun ari Juruselamat. Awakka sida meransang orang ti bedosa nesal ati, lalu ngasoh sida arapka Iya ti ulih ngampun. [...] Awakka orang ke bedosa ti nesal ati diterima dalam gerija enggau ati ti sinu serta kasih. Awak ka sida ke nesal ati dipansutka ari pengarap ti petang lalu dibai ngagai penampak enggau pengelurus . Awakka jari Iya ti getar-getar diengkah ba jari Jesus ti nelap serta rindu. Pengampun ti baka nya dikemendarka di serega.

EGW (The Desire of Ages, p. 806)